

Vazirlar Mahkamasining 2008 yil 13 oktyabrdagi 226-sod qaroriga 2-ilova

Talabalar uchun O'zbekiston Respublikasi Prezidentining davlat stipendiyalari va ularni tayinlash tartibi to'g'risida nizom

**O'zbekiston Respublikasi Oliy ta'lif muassasalarida O'zbekiston Respublikasi Davlat stipendiyalari tanloviga nomzodlar ko'rsatish bo'yicha Tavsiyalar**

1. O'zbekiston Respublikasi Prezidentining davlat stipendiyalari O'zbekiston Respublikasi fuqarolari bo'lgan davlat oliy ta'lif muassasalari (bakalavriat va magistratura bo'yicha alohida) talabalariga O'zbekiston Respublikasi Oliy va o'rta maxsus ta'lif vazirligi tomonidan o'tkaziladigan tanlov natijalariga binoan tayinlanadi.

2. Talabalarga tayinlash uchun belgilangan O'zbekiston Respublikasi Prezidentining davlat stipendiyasi kvotasi (o'n bitta) quyidagi ta'lif yo'nalishlaridan har biri bo'yicha bittadan stipendiya hisobidan bakalavriat va magistratura uchun alohida-alohida taqsimlanadi:

- qishloq va suv xo'jaligi;
- texnika va informatika;
- sog'liqni saqlash va ijtimoiy ta'minot;
- ijtimoiy-gumanitar va ijtimoiy fanlar;
- tabiiy fanlar;
- biznes va boshqaruv;
- pedagogika;
- madaniyat, san'at va sport;
- xorijiy tillar;
- huquq va xalqaro munosabatlari;
- jurnalistika.

Ushbu ro'yxatga Vazirlar Mahkamasi tomonidan har o'quv yili boshida, ta'lif yo'nalishlaridagi ustuvorliklarni o'zgartirishning maqsadga muvofiqligidan kelib chiqqan holda, O'zbekiston Respublikasi Oliy va o'rta maxsus ta'lif vazirligi tavsiyasiga binoan o'zgartirish va qo'shimchalar kiritilishi mumkin.

3. Talabalarga O'zbekiston Respublikasi Prezidentining davlat stipendiyalarini tayinlash uchun quyidagi mezonlarni bajarish belgilanadi:

- umumta'lif tayyorgarligini ilmiy-tadqiqot (ijodiy ishlari) ishlari bilan uyg'unlashtirish;
- yo'nalishlar bo'yicha konferensiya (tanlov)larda qatnashish;
- kamida ikkita e'lon qilingan ishlari (asarlar)ning mavjudligi;
- tillarni — davlat tilini va bitta xorijiy chet tilni bilish (Mustaqil Davlatlar Hamdo'stligi mamlakatlari davlat tillaridan tashqari), bakalavriatdagi ta'lif yo'nalishi yoki magistraturadagi mutaxassislik xorijiy til bo'lgan taqdirda esa qo'shimcha ravishda yana bitta xorijiy tilni bilish talab qilinadi;
- O'zbekiston tarixini bilish.

Tillarni, axborot texnologiyalarini, O'zbekiston tarixini bilish bo'yicha talab darajalarini O'zbekiston Respublikasi Oliy va o'rta maxsus ta'lif vazirligi belgilaydi.

O'zbekiston Respublikasi Prezidentining davlat stipendiyasiga talabgorlar ushbu fanlar bo'yicha o'z bilim darajasini aniqlash uchun O'zbekiston Respublikasi Vazirlar Mahkamasi huzuridagi Davlat test markazida (mintaqalar bo'yicha) maxsus test sinovlari topshiradilar. Markaz yakuniy vedomostlarni test sinovlari natijalari bilan birga O'zbekiston Respublikasi Oliy va o'rta maxsus ta'lif vazirligiga taqdim etadi.

4. O'zbekiston Respublikasi Prezidentining davlat stipendiyasiga nomzodlar ko'rsatish, talabgorlar nomzodlarining o'qishdagi va ilmiy (ijodiy) faoliyatdagi muvaffaqiyatlari ommaviy ravishda muhokama qilingandan so'ng, davlat oliy ta'lif muassasalarining ilmiy kengashlari tomonidan amalga oshiriladi.

**Talabgorlar dastlabki ko'rib chiqish uchun ilmiy kengashga quyidagilarni topshiradilar:**

- sinov daftarchasidan ko'chirma;
- dekanat, kafedra tavsiyanomasi;
- ilmiy (ijodiy) ish annotatsiyasi;
- rahbarning fikr-mulohazalari;
- ilmiy (ijodiy) ishga taqriz;
- ilmiy ishlar ro'yxati va ularning bosma nusxalari.

Barcha hujjatlar ikki nusxada taqdim qilinadi. Hujjatlarning har bir to'plami jildga joylanadi, har bir jild muqovasida ishni taqdim qilgan muassasaning nomi, talabgorning familiyasi, ismi va otasining ismi, ishning nomi ko'rsatiladi.

5. Ilmiy kengashlar yashirin ovoz berish orqali, oddiy ko'pchilik ovoz bilan O'zbekiston Respublikasi Prezidenti davlat stipendiyalarini tayinlash uchun stipendiatlar nomzodlarini ko'rsatish to'g'risida qaror qabul qiladilar.

Ilmiy kengashlar qarorlari vazirliklar va muassasalarning O'zbekiston Respublikasi Prezidentining davlat stipendiyalarini tayinlash haqida O'zbekiston Respublikasi Oliy va o'rta maxsus ta'lif vazirligiga tavsiyanoma yuborishi uchun asos hisoblanadi.

6. O'zbekiston Respublikasi Oliy va o'rta maxsus ta'lif vazirligi stipendiyalar tayinlash haqidagi tavsiyanomalarni yiliga bir marta ko'rib chiqadi. Hujjatlarni qabul qilish muddati — **1 - 15 avgust**, ko'rib chiqish muddati — **10 - 25 sentyabr**.

7. Davlat oliy ta'lif muassasalari talabalariga O'zbekiston Respublikasi Prezidentining davlat stipendiyalarini tayinlash O'zbekiston Respublikasi Oliy va o'rta maxsus ta'lif vazirligi hay'ati qarori bilan amalga oshiriladi.

Stipendiyalar tayinlanishidan avval talabgorlarning belgilangan mezonlarga muvofiq bilim va ilmiy (ijodiy) tayyorgarlik darajasi puxta ekspertizadan o'tkaziladi.

Shu maqsadda O'zbekiston Respublikasi Oliy va o'rta maxsus ta'lif vazirligi:

- zimmasiga O'zbekiston Respublikasi Prezidentining davlat stipendiyalariga talabgorlar orasidan tanlab olish yuklanadigan maxsus tanlov komissiyasi tuzadi;
- talabgorlarning ta'lif va ilmiy (ijodiy) tayyorgarligi darajasini baholash maqsadida ishlarni ko'rib chiqish uchun yo'nalishlar bo'yicha ekspertlar guruhlari tuzadi;
- O'zbekiston Respublikasi Vazirlar Mahkamasi huzuridagi Davlat test markazi bilan birlgilikda axborot texnologiyalari, O'zbekiston tarixi, xorijiy tillar bo'yicha imtihon komissiyalarini tashkil etadi, test topshiriqlarini ishlab chiqadi;
- tanlov komissiyasi va ekspert guruhlarining ish tartibini belgilaydi;
- tanlov komissiyasi majlislarini o'tkazish muddatlarini belgilaydi.

8. Tanlov komissiyasi talabgorlarning yakuniy tanlovini yashirin ovoz berish yo'li bilan o'tkazadi hamda talabgor va uning ishi uchun ovoz berishda ishtirok etgan komissiya a'zolarining kamida uchdan ikki qismi ovoz berganda talabalar nomzodini O'zbekiston Respublikasi Prezidentining davlat stipendiyalarini tayinlash uchun tavsiya qiladi.

Agar ovoz berishdan so'ng talabgorlar soni belgilangan kvotadan ko'p bo'lsa, ustunlik eng ko'p ovoz olgan talabgorlarga beriladi.

Tanlov komissiyasining qarori O'zbekiston Respublikasi Oliy va o'rta maxsus ta'lif vazirligi hay'ati tasdiqlagandan so'ng kuchga kiradi.

Tanlov komissiyasi O'zbekiston Respublikasi Prezidentining davlat stipendiyalari sohibi bo'lomagan, lekin

eng yaxshi ko'rsatkichlarga ega bo'lgan tanlov qatnashchilarini nomli davlat stipendiyalariga tavsiya qilish huquqiga ega.

9. O'zbekiston Respublikasi Oliy va o'rta maxsus ta'lim vazirligi hay'atining qarori davlat oliy ta'lim muassasalarining talabalarga O'zbekiston Respublikasi Prezidentining davlat stipendiyalarini tayinlash va to'lash haqida buyruq tayyorlashi uchun asos bo'ladi.

10. O'zbekiston Respublikasi Prezidentining davlat stipendiyalari talabalarga har yili, bir o'quv yili uchun, 1 sentyabrdan boshlab, belgilangan miqdorlarga qat'iy rioya qilingan holda tayinlanadi.

11. O'zbekiston Respublikasi Prezidentining davlat stipendiyalariga sazovor bo'lgan talabalarga «Prezident stipendiyasining sohibi» guvohnomasi O'zbekiston Respublikasi Oliy va o'rta maxsus ta'lim vazirligi hay'ati majlisida tantanali ravishda topshiriladi.

12. O'zbekiston Respublikasi Prezidentining davlat stipendiyalari sohiblari bo'lgan talabalar davlat oliy ta'lim muassasasini bitirgach, ikki yil davomida grant asosida magistraturaga (bakalavr-stipendiatlar) va aspiranturaga (magistr-stipendiatlar) kirish imtihonlarisiz qabul qilinadi. Agar aspirantura va magistratura mutaxassisligi to'g'ri kelmasa, u holda kirish imtihonlari faqat aspirantura mutaxassisligi bo'yicha topshiriladi.

13. O'zbekiston Respublikasi Prezidentining davlat stipendiyalari sohibi bo'lgan talabalar o'qishni bitirgandan so'ng, ikki yil mobaynida magistraturada (bakalavar-stipendiatlar) va aspiranturada (magistr-stipendiatlar) o'qishni davom ettirish maqsadida xorijga jo'natilish huquqini saqlab qoladilar.

14. Kundalik darslarni o'zlashtirmaydigan, o'quv intizomini va ilmiy odob-axloqni buzgan talabalarni o'quv yili mobaynida O'zbekiston Respublikasi Prezidentining davlat stipendiyalaridan mahrum qilish tasarrufida talaba o'qiyotgan oliy ta'lim muassasalari bo'lgan vazirliklar va idoralarning taqdimiga binoan O'zbekiston Respublikasi Oliy va o'rta maxsus ta'lim vazirligi hay'ati qarori bilan amalga oshirilishi mumkin.

15. Talabalarning O'zbekiston Respublikasi Prezidentining davlat stipendiyalarini tayinlash bo'yicha ariza va shikoyatlari qonun hujjatlarida belgilangan tartibda ko'rib chiqiladi.